



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Vt nullus in Ecclesia tabernas constituat. lxxxiiii.

urn:nbn:de:hbz:466:1-10722

De eadem re. Cap. CXXVIII.

Ex concil. Aureliā. cap. 10. **A**uditum est aliquos presbyteros Missam celebrare & non communicare, quod omnino in canonibus apostolorum interdictum esse legitur. Vel quomodo debere recte potest si non comunicauerit, Sumpsimus domine sacramenta &c.

De eadem re. Cap. LXXIX.

Ex eodē. cap. 11. **S**i quis episcopus, aut presbyter, aut diaconus, vel quilibet ex sacerdotali catalogo facta oblatione non communicauerit, aut causam dicat: & si rationabilis fuerit, veniam consequatur, aut si non dixerit, communicatione priuetur, tanquam qui populo causa læsionis extiterit.

Ut in Ecclesia nihil aliud agatur nisi id ad quod facta est. Cap. LXXX.

Ex dictis August. **I**n oratorio præter orandi & psallendi Deo cultum pernitius nihil agatur, ut nomini huic & opera iugiter impensa concordent.

De eadem re. Cap. LXXXI.

Ex dictis Benedic. 11. **O**ratorium hoc sit quod dicitur, nec ibi quicquam aliud geratur aut condatur, quam diuinis ministris conueniat.

De eadem re. Cap. LXXXII.

Ex cōcil. Laodicē. cap. 28. **Q**uod non oporteat in domiciliis diuinis, id est, in Ecclesiis agapen fieri, nec intra domum Dei comedere, vel accubitus sternere.

Ut nullus in Ecclesia conuiuetur. Cap. LXXXIII.

Ex concil. Cartha. cap. 28. **V**t nulli episcopi vel clerici in Ecclesia conuiuentur, nisi fortè transeuntes hospicij necessitate illic recipientur. Populi etiam ab huiusmodi conuiujs, quantum fieri potest, prohibeantur.

Ut nullus in Ecclesia tabernas constituat. Caput LXXXIII.

Ex concil. Turonē. cap. 2. **P**erlatum est ad sanctam synodum, quod quidam presbyteri in Ecclesiis sibi commissis tabernas, quod ne

fas est, constituent, sibi que per caupones vinum vendant, aut vendere permittant, & vbi tantummodo orationes & verbum diuinum, Dei que laus debuerit resonare, ibi comessationes & ebrietates fiant, ibi risus & plausus & verbaturpia, ibi rixę & contentiones resultēt. Quod quā sit Deo contrarium, dominus Iesus demonstrat. Qui quum inuenisset in templo vendentes & ementes, & nummularios sedentes, facto funiculo de resticulis, omnes eiecit de templo. Si enim ea quę licitē vendi videbantur in templo, & ad hoc emebantur, vt in eodem templo offerrentur domino, ipse foras eiecit, quid putas de tam pestifera præsumptione & Dei contemptu fiet? Et si nō solūm sacerdotibus sed etiam omnibus clericis præcipitur, ne tabernas ingrediantur: quis audire potest, vt Ecclesię Dei tabernę fiant? Itaque interdicit per omnia synodus, ne hoc in posterum vllatenus fiat. Quod si factum fuerit, presbyter deponatur, laici communionē priuati ab Ecclesia, quam dehonestaerunt, expellantur.

De eadem re. Cap. LXXXV.

SI enim domus Dei orationis domus vocatur, hoc debet esse quod dicitur: nec ibi aliud debet geri aut recondi. Vbi enim corpus domini consecratur, ibi angelorum præsentia non dubitatur adesse. Vbi sanctorum reliquię reconditę vnerantur, ne quid inhonestum appareat, quod oculos ad orationem venientium offendat, ne quid ibi videatur quod ad lucrum temporale pertineat: sed omnia sancta, omnia munda, & tantummodo ad Ecclesiasticum ministerium pertinentia.

Vt vnicuique in dono sua orare liceat.

Caput LXXXVI.

VNICUIQUE fidelium in domo sua oratorium licet habere, & ibi orare, Missas autem ibi celebrare non licet.

Vt canticum turpe circa Ecclesias non fiat.

Cap. LXXXVII.

CANTICUM turpe atque luxuriosum circa Ecclesias atque in atriis Ecclesię agere omnino contradicimus, quod vbi que vitandum est.

Ex eodē,
cap. 3.

Ex cōcil.
Aurelia
no, ca. 3.

Ex cōcil.
Cartha.